

中國方志叢書·華中地方·第九一一號

據

清·張廷珩等修，華祝三等纂
清同治十二年刊本

影印

江西省

鉛山縣志

(三)

成文出版社有限公司印行

金谿縣志卷二十三上目錄

人物志五

仕績

宋

周 袞 宋 鉉 余士德 楊 挾

元

劉 傑 吳 裕 陳 昇

明

周 忠弟忽附 劉 璧 吳率正 江 勝 何自學 王晉明

徐 瓊 江 貴 黃 昌 洪 範 江 珏 江 瑤

徐 震 劉道華 周彥宗 徐孟恕 王 常 徐則寧

王裕 王忠 王稽 徐霖 徐行慶 謝相

高應芳 黃希憲 徐善慶 劉子汾 聶曼 聶庭璧

李伯廉 謝廷案 王民順 胡桂芳 李日文 吳椽

周世臣 張廷相 劉啟元 周兆聖 謝繼科 張熟

李光德 胡兆恂 王廷對 張應吾 聶文麟 劉先春

車夢瑤 龔廷獻 姚張斌 余子恭 宋宏毅 張彤

張澄 許可大 傅霖 王序 胡鍾偉 許綱

張默 王允麟 張材 張椿 王賢卿 楊煥

戴朝用 何宗聖 黃文豹 吳龍 陳鏗 陳一夔

徐日光 嚴君教 許廷諫 劉中衍 桂紹龍 車應兆

聶惟鋌 張國宗 劉應迪 劉星耀 徐鵬起 王允佐

劉允銑 劉士賢 張元泰 劉祺 楊移 何俊

王餘慶 聶漸 徐達 傅昂 吳翰詞 陳所敏

王方 徐貞 黃元春 劉芳聲 劉男 黃櫟

劉夢祥 周萬方 吳蕙 王懋誠 吳玉爾 楊啟霖

聶芹 鄧玘

補遺

劉秉中

金谿縣志卷二十三上

人物志五

仕績

宋

周袞字彥弼麻山人嘉祐八年進士少與王安石友善安石奇其才新法之行以袞鄉人必附已欲引用之議不合復爲手書極論其害安石不聽遂乞外以員外郎出知藤州有惠政秩滿致

仕歸沒祀鄉賢

舊志

朱銍紹興間進士官左拾遺以論事稱職擢御史在諫垣秉心不

回讜言正論爲時所稱

辛未志

余士德火源人廸功郎紹熙庚子上進忠良退不肖疏帝嘉納之

咸醕元年充本省校正書籍文字官

癸未志

楊揆字純父印山人少能詞賦用薦參淮閩杜杲幕治法征謀多
咨于揆逾年安豐被兵揆慨然請行乃以奇策解圍奏補七官
揆念置身行伍間騎射所當工夜以青布藉地乘生馬以躍初
過三尺次五尺至一丈數閃跌不顧制置使孟珙辟于幕嘗用
其策目爲小張子房與以茶局周其資用揆糜費數萬賈似道
積數貲饋珙以白金代揆償揆又散之賓客酣歌不顧似道欲
殺之揆曰漢高祖以黃金四萬勛付陳平不問出入公乃顧此
區區不以結豪傑之心耶似道始置之珙嘗燕客有將校語不
遜命斬之揆從容曰斬之誠是第方會客廣謀議非其時也珙
大服未幾謝絕賓客治進士業醕祐七年登第調麻城尉向上

壁守黃州檄入幕尋以戰功陞三官無何得心疾曰我不可用
矣遂調潭州節度推官趙葵爲荆湖制置使授與偕行王登垓
于沙市極談至夜分授退曰王景宋滿身是膽惜欠沉細如授
副之何事不可爲但恐終以勇敗後登垓人以爲知言逾時土
壁守峽州招之病不果行而卒贈架閣

戊申
志補

元

劉傑字良輔三品塘人自明子自幼博學制行甚高元至正二年
進士授龍興路新建縣丞擢河南宜陽縣尹典試河南以才能
政事陞延安路總管尋左遷知嵩州入爲中書舍人累官至工
部尚書階資政大夫時四方多故傑極言得失忤旨遂以疾辭
位以集賢院學士致仕養疾於河南宜陽甯家莊洪武中累徵

不起卒祀鄉賢長子禘字思復任福建路儒學提舉次子祔字

思學洪武中吏科給事中

舊志增

吳裕字伯雍父儼儀同母兄也性剛果好義舉至正四年鄉試授
贛州會昌縣學正裕登至正十一年進士第二授吉安路永新
州同知壬辰寇起募及金谿裕以道梗未赴官佐諸父兄糾集
鄉丁禦寇邑得無恙且致書憲使韓準曰幕府論功專以首賊
第高下恐要功者多殺無辜或且激變莫若以復境土招戶口
爲等第庶在此無妄殺之愆在彼有自新之路其或敵臨境不
得已而應則以克敵爲功亦不必論其首賊也準納其言十五
年秋始至吉安永新州治已爲賊所破裕寄治廬陵境上撫綏
供給咸得其宜郡命督餉至行省事竣時尙書黃昭廉使吳常

督兵撫寇素識裕欲留之幕中裕固辭復命於郡明年江西鄉試徵裕校文畢便道歸省儼命之曰我守宗祧不可去汝有官守不可留裕乃復走龍興未幾吉顗多故龍興亦陷問道歸二親歿裕不勝悲恨自是匿跡不出時諷太白詩以自勵曰夷齊是何人獨守西山餓竟成疾卒年四十

舊志增

陳昇字伯稽至元中任南城縣錄事嚴以率吏仁以愛民獄訟清簡姦頑畏服政成而去邑士黃河清送詩有云吾聞錄事歸父老皆泣下馬前拜不起錄事亦淚灑脫靴挂市門跣足騎瘦馬行囊皆空乏豈顧遺錢者後祀南城名宦

癸未志據南城縣志

明

周忠字伯厚袁裔孫元末舉進士不第明初以書說王溥歸命溥

以忠書上聞召見青龍殿三上疏上稱善寵賜優渥從征僞漢
命忠與羅復仁參謀左右多稱旨僭偽既平欲授以官屢辭遂
加廬州稅課司副使職遣還洪武十二年復詣闕獻太平十六
策論道德行仁義變士習攬刑柄興陂塘教種植整錢法理鹽
課定京都汰冗兵甦民力還學田正賦稅講役法議科舉作禮
樂太廟嘉納之尋遣使沙漠不知所終二十年太祖思用忠遣
天界寺僧詢訪至郡得不還實跡乃止弟恕字叔敬八歲孤忠
撫而教之洪武初出陽令朱伯堅薦於朝試爲政論并早朝詩
稱旨授河南靈寶縣主簿以廉能見知於參政鄭居貞檄署理
問所事執法平允獄無滯囚以轉輸入京道病卒

舊志王
志增

劉璧字伯圭楊坊人洪武十八年由國子生除蘭溪縣主簿邑有

海寇多取富民名字太祖命縣按誅之使者至縣欲奉行壁固
拒不肯者牘曰強梁罪不至死尙不可殺況數十家良民乎使
者怒縛壁抵京面奏辭愈厲太祖命批其煩壁極言民無罪不
當族臣非有他太祖悟遣使訪察得實乃罪知縣事者復壁任
未幾卒民立祠祀之邑祀鄉賢

舊志

吳率正名潛以字行吉源人幼穎悟讀書通大義旣壯精研易學
善楷書工辭章於醫術尤精洪武二十四年本縣舉爲醫學訓
科將就職復舉賢良方正赴闕試鍾山雪霽疊翠二詩稱旨除
知浙江武康縣抑豪強扶良善搜宿蠹蘇民瘼朝廷嘉之特賜
韓戰酒肉未幾被誣逮繫父老楊富七等相率具其政績二十
餘條詣闕陳請復任太祖驗實如所請命給榜列名頒布天下

以旌席罷內外交章薦之陞太原府知府清操益厲一郡肅然
無何得足疾太祖命醫治療弗痊召至京師賜冠帶俾還鄉及
抵家終日坐一木榻書史未嘗釋手病稍愈開講家庭學者填

委卒年五十

舊志增

江勝字克恭江坊人永樂十三年進士擢監察御史清直恭慎持
法無私巡按畿輔關右交趾除剔貪邪盡革宿弊後以同列計
誤竟不自辨罷歸郡守重其學行以教職薦卒以疾辭居鄉敦
孝友執禮讓別構書舍曰樗庵後進從學者誨之不倦自號休

樂翁卒祀鄉賢

舊志

何自學字思學后車人宣德二年進士授刑部主事殫心庶獄時
梟明允力雪白能等之冤事紀史館嘗奉勅理浙閩滯獄多所

平反爲慮囚最陞廣西僉事猺獞不時竊發自學示以威信咸
懾服俗好訟株連每百十人驗無實立釋之而痛懲誣訐者俗
爲一變以父憂歸起補山西大同僉事大同爲極邊宿重兵以
控荒外而守將各持意氣不相下自學勸其協和共濟邊務以
理未幾復丁母憂山西巡撫連章請奪情留任詔起復力辭而
止服闋陞陝西按察使到官日繫囚累累旬日間盡爲決遣自
學歷任憲職風力矯然所在以政績著薦吳與弼於朝又表章
黃昇監治二女事爲忠孝錄傳於世卒年五十六

舊志王
志增

王晉明名桀以字行絳州知州汝績從子也天性篤摯尙氣誼少
失怙友愛二弟無間言有友傅昭病疫劇人不敢過其門晉明
日往視疾逮屬續乃已副使傅克已未葬而室焚家人呼號失

指晉明率眾馳至破壁出其匿士論多之明正統間以文行舉授濟南府學訓導英宗北狩三上疏言邊務請勿輕戰勿議和勿受貢賦在官教育諸生有恩義兩膳夫貧困一鬻產一鬻妻以輸役錢晉明趣使歸而免其役以事左遷河泊所官門人尹溟掌吏部欲破格擢用之晉明不可亟致仕而歸環堵蕭然詩酒娛樂自號樂閒散人晉明少年時妻崔氏歿遂不再娶鄉里咸高其行稱爲義夫

舊志增

徐瓊字時庸一字東谷耿陽人幼穎敏好學博通經史天順元年進士廷試第二人授翰林院編修與修大明一統志憲宗卽位與修英宗實錄陞侍讀典應天鄉試成化十二年陞南京翰林院侍讀學士掌院事疏請禁奢倭廣用人抑奔競開言路上嘉

納之宏治間累陞禮部尙書祠部度僧道十年一舉時僧道集京師以萬計乞先期給牒權貴多爲之請瓊與左侍郎傅瀚持不可同上疏請仍照十年之例太常寺卿崔志端謂本寺與光祿寺太僕寺不同不係禮部統屬瓊奏言朝廷每大事會議止該六部都察院通政司大理寺未聞有太常寺也今何得與九卿齊列况太僕寺旣屬兵部光祿寺旣屬禮部矣獨太常寺與禮部齊可乎正以崔志端發身道流累經彈劾未蒙黜退乃敢愈無忌憚恣行欺罔應究問詔戒諭志端十一年加太子少保因四方災異上言數事孝宗可之十二年知貢舉明年上疏乞休加太子太保給驛歸勅有司月給米歲給役以示優禮瓊歷仕途四十五年雖無大建明而雅度優容有古大臣風文辭浩

渺一時名流爲之左次羅玘謂瓊之量宏矣而無量名文優矣

而無文名書善矣而無書名有三不近名之美卒祀鄉賢

舊志

江貫字公輔陶峯人登成化乙未進士知信陽州政尙明肅痛革

奸弊鋤強靖盜興文學葺公署纂修州志士民戴之當道疏薦

不報秩滿陞南京工部郎中卒於官妻彭氏有淑德得年百歲

子珏瑤別有傳

舊志增

黃昌字景文鹽元人成化二十三年進士觀政時與尙書爭時務

見忤抑授兩浙鹽運判羅玘惜其去爲序送之運判職號腴美

履任鮮不污者昌獨以廉名擢甯波府同知攝府篆與郡守姜

昂官同時人稱一臺二妙司禮中官某郡人也子弟橫部中昌

廉得其狀立置之法璫銜之嗾御史羅織其罪罷去公論惜之